



**BASHKIA TIRANË
KËSHILLI BASHKIAK**

V E N D I M

Nr. 48, datë 11.11.2015

Për

**“KRIJIMIN E TIRANA PARKING SI INSTITUCION NË VARËSI TË BASHKISË
TIRANË PËR ADMINISTRIMIN E SHËRBIMIT TË PARKIMIT PUBLIK ME
PAGESË”**

Në mbështetje të nenit 7, pika 2, nenit 8, pika 1/VI, shkronja “b”, pika 1/I shkronja “ç”, nenit 16, pika 3, shkronja “a”, nenit 32, shkronjat “ç”, “d”, “dh” dhe nenit 33, pika 3 të ligjit nr. 8652, datë 31.07.2000 për “Organizimin dhe funksionimin e qeverisjes vendore” (i ndryshuar); nenit 7, pika 8, shkronja “a”, nenit 37, pika 1, shkronjat “b” e “c” të ligjit nr. 8378, datë 22.07.1998 “Kodi Rrugor i Republikës së Shqipërisë” (i ndryshuar); vendimit të Këshillit të Ministrave nr. 1619, datë 02.07.2008 “Për klasifikimin e funksioneve, grupimin e njësive të qeverisjes vendore, për efekt page dhe caktimin e kufijve të pagave të punonjësve të organeve të qeverisjes vendore” (i ndryshuar); vendimit të Këshillit të Ministrave nr. 527, datë 20.07.2011 “Për përcaktimin e pagës minimale në shkallë vendi” (i ndryshuar); vendimit të Këshillit Bashkiak nr. 28, datë 23.12.2014 “Për miratimin e programit buxhetor afatmesëm 2015-2017 dhe detajimin e buxhetit të Bashkisë së Tiranës për vitin 2015” (i ndryshuar), me propozim të Kryetarit të Bashkisë së Tiranës, Këshilli Bashkiak,

V E N D O S I:

1. Të miratojë krijimin e Tirana Parking, si institucion në varësi të Bashkisë së Tiranës. Detyrat kryesore institucionale e funksionale të këtij institucioni do të jenë si më poshtë vijon:
 - a. të administrojë shërbimin e parkimit publik me pagesë të Bashkisë së Tiranës, mbi tokë dhe nëntokë, në përputhje me zonat e përcaktuara për këtë qëllim;
 - b. të planifikojë dhe të ndjekë zbatimin e investimeve në infrastrukturën e nevojshme për shërbimin e parkimit publik me pagesë në Bashkinë e Tiranës;
 - c. të instalojë dhe mirëmbajë pajisjet dhe makineritë e parkimeve me pagesë;
 - ç. të instalojë dhe mirëmbajë sinjalistikën rrugore të parkimit;
 - d. të konstatojë dhe të vendosë gjoba për kundërvajtjet administrative lidhur me qëndrimi përtej orarit të caktuar dhe mospagesën e tarifës së parkimit;
 - e. të arkëtojë gjobat e vëna në kuadër të konstatimit të një kundërvajtje administrative për shkelje që kanë të bëjnë me parkimin;
 - f. të kryejë çfarëdo lloj aktiviteti tjetër që nuk bie në kundërshtime e që lidhet direkt apo indirekt me përmbushjen e detyrave institucionale e funksionale, si dhe të kryejë detyrat që i ngakohen njësisë së qeverisjes vendore në kuadër të administrimit të parkimit tokësor dhe nëntokësor me pagesë;
 - g. t’i propozojë Bashkisë së Tiranës përmirësimin e politikave të administrimit të parkimit tokësor dhe nëntokësor me pagesë.

2. Të ardhurat e gjeneruara nga Tirana Parking në zbatim të pikës 1 ndahen 90% për Bashkinë e Tiranës dhe 10% për Tirana Parking. Të ardhurat xhirohen në llogarinë e të ardhurave të Bashkisë së Tiranës dhe Tirana Parking kryen çdo muaj akt-rakordimet me Degën e Thesarit dhe raporton në Bashkinë e Tiranës.
3. Të miratojë Ligjin e Tiranës për zbatim të Ligjit nr. 1 bashkëlidhur këtij vendimi.
4. Të miratojë numrin e përgjithshëm të punonjësve të Agjensisë "Parking Tirana" në 105 (njëqind e pesë) punonjës.
5. Të miratojë nivelin e pagave për punonjësit Tirana Parking, sipas Lidhjes së Pagave nr.16, Aneksi nr. 2 bashkëlidhur këtij vendimi.
6. Efektet financiare të këtij vendimi do të përballohen nga buxheti i Aparatit të Bashkisë për vitin 2015, duke reflektuar shtesat dhe pakësimet brenda Programit të Menaxhimit të Rrugëve dhe Programit të Transportit Publik dhe Programit të Zhvillimit Ekonomik dhe Punësimit, sipas Aneksit nr. 3 bashkëlidhur këtij vendimi.
7. Në mbështetje të pikës 1 të këtij vendimi të identifikohen dhe të ndiqen procedurat për kalimin kapital të asetëve, ambienteve, pajisjeve të domosdoshme për përmbushjen e detyrave funksionale/institucionale të Tirana Parking.
8. Në mbështetje të pikës 4 të këtij vendimi rekomandohet hartimi dhe miratimi i menjëhershëm i strukturës organizative dhe i rregullores së funksionimit të brendshëm të Tirana Parking.
9. Ngarkohet Drejtoria e Përgjithshme e Shërbimeve Mbështetëse, Drejtoria e Përgjithshme e Planifikimit dhe Menaxhimit të Shërbimeve, Drejtoria e Planifikimit Strategjik, Tirana Parking për zbatimin e këtij vendimi.
10. Ky vendim hyn në fuqi 10 (dhjetë) ditë pas shpalljes.

KRYETARI

ALDRIN DALIPI





TIRANA
P A R K I N G

ANEKSI NR. 2**Lidhja Nr.16****Niveli i pagave për punonjësit e Tirana Parking**

Nr	Pozicioni	Paga individuale			Paga mujore	
		Kategori a	Grupi	Shtesa për vjetërsi	Shtesa për pozicion	Shtesa për kushte pune
			1	2	3	
1	Drejtor i Përgjithshëm	II-a	1	2%	105 000	
2	Drejtor	II-b	1	2%	85 000	
3	Përgjegjës sektori, Kryeinspektor	III-a	1	2%	69 000	
4	Inspektor	III-b	1/2	2%	52 000	
5	Specialist I	III-b	1/2	2%	52 000	
6	Specialist II	IV-a	1/2/3	2%	41 000	
7	Punonjës shërbimi, shofer				34 000	
8	Pastrues, Roje				30 000	

Shtesa për vjetërsi në punë për **Lidhjen Nr. 16** të jepet në masën **2%** pas çdo viti pune, deri në **25 vjet**, dhe të llogaritet mbi **pagën e grupit**.

VLERA E PAGËS SË GRUPIT PËR GRUPET E DIPLOMAVE TË ARSIMIT TË LARTË

Grupi i diplomës	Lloji i diplomës	Vlera
1	Diplomë e arsimit të lartë:	
1	Master i Shkencave Master i Arteve Të barasvlershme me to sipas legjislacionit të arsimit të lartë	14 000 lekë
2	Master profesional Të barasvlershme me to sipas legjislacionit të arsimit të lartë	11 000 lekë
3	Bachelor Të barasvlershme me to sipas legjislacionit të arsimit të lartë	10 000 lekë

Aneksi nr 3

NDRYSHIM BUXHETI PER VITIN 2015 PER KRIJIMIN E AGJENCISE TIRANA PARKING

SHTESA

Në lekë

	Artikulli 600	Artikulli 601	Artikulli 602	Artikulli 231	Totali
I PROGRAMI MENAXHIMIT TE RRUGEVE DHE TRANSPORTIT	8.100.000	1.300.000	2.578.000	11.222.000	3.200.000
I PUBLIK					
A Agjencia e Parkimit Gr.00 Tit. 04530 Kap. 5	8.100.000	1.300.000	2.578.000	0	1.978.000
a Shpenzime personeli	8.100.000	1.300.000			1.400.000
b Shpenzime Operative			2.578.000		2.578.000
B Aparati Bashkisë Gr.00 Tit. 04530 Kap. 5	0	0	0	11.222.000	1.222.000
a Shpenzime për investime				11.222.000	1.222.000
1 Pajisje +Bateri				7.900.000	
2 Kablla				177.000	
3 Printera				546.000	
4 Inventer				353.000	
5 Sistemi vezhgimi				504.000	
6 Kabina				1.512.000	
7 Kasa k.tatimor				118.000	
8 Kasa lekeve				76.000	
9 Pajisje zyre (arka)				36.000	

PAKËSIMI

	Artikulli 600	Artikulli 601	Artikulli 602	Artikulli 231	Totali
I PUBLIK	0	0	23.200.000		3.200.000
A Aparati Bashkisë Gr.00 Tit. 04530 Kap. 5					
Shpenzime operative	0	0	13.200.000		3.200.000
B PROGRAMI I ZHVILLIMIT EKONOMIK DHE PUNESIMIT					
Aparati Bashkisë Gr.00 Tit. 04970 Kap. 5					
Shpenzime operative	0	0	10.000.000		0.000.000